

**Nunatsinni tunisassiornikkut atugassarititaasut pillugit, kiisalu tunitsiveqarnikkut periarfissaasuanikkullu aalisartunut ajornartorsiutit pillugit, aammalu aalisakkerivinni sulisussanik ajornartuuttarneq pillugu apeqquteqaat aallaavigalugu oqallinnissamik siunnersuut.**

(Inatsisartunut ilaasortaq, Hans Enoksen, Partii Naleraq)

### **Akissuteqaat**

(Inuussutissarsiornermut, Suliffeqarnermut, Niuernermut Nunanullu Allanut Naalakkersuisoq)

Aalisarneq Kalaallit Nunaanni inuussutissarsiutini pingaarnarpaartaavoq, taamaattumillu aalisartut, aamma inuussutissarsiorfiup iluani suliaqartut sinneri pitsaanerpaanik atugassaqartitaanissaat Naalakkersuisut assut pingaartippaat.

Ukiup naannginnerani Kalaallit Nunaanni nunaqarfinni isorliunerusunilu tunitsivinnik tamanik nalunaarsuisumik Naalakkersuisut nalunaarusiaq naammassiniarpaat, ingammik tunisassiornermi annertunerusumik suliffeqartitsinermit neriunartorta qarfiit aporfissallu suussusersinissaat siunertaralugu. Taamatuttaaq suliffissuaqarfiup piumassuseqartumik ineriartornissamik, tunisassianik nutaanik pilersitsinissamik, taamaalillunilu isertitaqarnissamut periarfissanik sulissuteqartuarnera ilisimavarput.

Naalakkersuisut apeqqutilliisutulli ukiup ilaani sulisussanik amigaateqartarneq annertuumik eqqumaffigaat. Taamaattorli amigaateqartarnernik taakkuninnga akiuinermit iliuuserisat siunertarineqartoq malillugu atuuttuunerat Naalakkersuisut nuannaarutigalugu paasisinnaavaat. Assersuutigalugit nuttarnerulemissamut aningaasaliissutit aalisarnermik inuussutissarsiorfiup iluani ilorraap tungaanut sunniuteqarnerat paasineqarsimavoq.

Tamakku saniatigut sakkussat suli amerlanerit nassarinissaat siunertaralugit Inuussutissarsiornermut, Suliffeqarnermut Niuernermullu Naalakkersuisoqarfik suliffissuaqarfimmi suliaqartunik soqutigisaqaqatigiinnillu arlalinnik pitsaasumik iluarinartumillu suleqateqarpoq.

Aammattaaq suliffeqartitsinermit apeqqummut naleqqiullugu umiarsuarnik tunitsiviusartunik inississuisarnerni iluaqutit ajoqutillu nalunaarusiap sammissavai, ingammik ukiuni kingullerni sisamani saarullinniarnep pingasoriaatingajammik annertusisimanera eqqarsaatigalugu.

Naalakkersuisut siunnersuuteqartup sammisap oqallisiginissaanut saqqummiussineranut qutsaviginiarpaat, ullormilu oqallinnissaq qilanaaraarput.

Oqallilluarisi.